

庚 辭謝門

一 復謝類

◎謝祝父壽

漢章吾兄大鑒猥以 家君年逢周甲，<sup>一</sup>遠損

霞牋並頒

厚禮，甚感甚感。惟 家君素持儉樸，力誠鋪張，意謂國難方殷，亟當修省，何得以個人無謂之事謬爲渲染，並累

親朋，刻已遠游西湖，藉避紛擾，各方餽贈，多已璧還，而

台端所製壽詩，盛唐風格，氣味深醇，書法亦有剛健美秀之致，配架古色斑駁，家君反復摩挲，推爲三絕。<sup>二</sup>弟於此道雖少致力，固亦知其瓊奇可寶也。專此申謝，敬

請

著安。

弟奚國華謹上四月五日

○周甲 黃帝之臣大撓作甲子，干支相配，其變六十，謂之六十甲子，每六十年一輪流，周而復始，故周甲卽謂六十年也。

爲博士，嘗自寫其

詩並畫以獻，，帝署其尾曰

◎ 謝祝母壽

桂芬我姊如握北平之遊，頓成舊夢，昨展手簡，喜溢眉梢，並辱以家慈六秩生辰，寵錫禮品，拜登之餘，感荷無似，承

貺繡屏，似係出自

親製秀潤雄奇，迥異凡品，使妹對之，益覺愧恧。

不釋卷，前日返滬，征塵甫卸，心緒不寧，稍緩當製小詩奉酬。

雅謹先此代謹祝頤

雙安。

妹友蘭手上八月廿三日

◎謝祝壽

鐵仙先生史席在遠

不遺，頻勞

音問，前以賤辰重邀

厚貺，感愧交并。弟少不努力，老益荒唐，本以迂執，早遭屏棄，況屬樗蒲，何足稱道，放浪於形骸之外，馳驅於塵俗之間，名無所成，業無所就，既負疚於家國，益重愧夫父師，馬齒徒增，忽屆知命，方自責之不遑，更何頌祝之可言乎。惟念台端關垂之切，期望之殷，

高誼隆情，永矢勿護，而

詩格之高渾，書法之挺秀，尤在可寶之列，自應益知振奮，毋蹈頹靡，勉副厚愛而已。特佈謝悃，祇候

吟安。

弟翁紹洛上言 九月廿七日

◎謝賀結婚

梯雲同學吾姊大鑒：上月與雪巖結婚，辱承遠致賀函，並賜禮物，慚感無地，吾

姊運生花之筆，莊諧雜出，妙語生香，殊令人忍俊<sup>①</sup>不禁也。妹自前年在京與彼訂婚，曾經聲明須俟畢業後再行婚禮，乃甫逾一載，屢來要求，已由家父允許，未便堅持，實則求學素志，遽遭頓挫，心實怏怏，有何可賀。妹來此雖畫眉<sup>②</sup>台畔，不無旖旎之情，而試手廚下，<sup>③</sup>實有拮据<sup>④</sup>之色，

布目歸來人，不知其將可以教我也？專此佈謝，敬候

儀安

女李沁芳謹啓十月十八日

○忍俊含笑之意，修篇譜傳奇「我忍俊想從前，有這般恩愛，那般愁怨，」故謂忍不住要笑曰忍俊不禁。

○畫眉漢時張敞爲京兆尹，嘗爲婦畫眉，傳爲韻流。

○事 廚下唐詩「三日入廚下，洗手作羹湯，未諳姑食性，先遣小姑嘗，」謂新婦初入廚作羹，難如姑意也。先

○拮据謂窘迫也，詩經「予手拮据。」

○謝友爲子作伐

玉泉先生大鑒：吳門一別，倏已五年，雖音訊稀疏，每遇鄉人，輒就謠

佳況，良用欣慰。小兒前蒙

鼎介，得締婚沛國，薦蘿喬木，殊愧躋攀，此次遣小兒親迎來歸，見其性情溫恭，舉止厚重，殊具大家風範，似亦載福之器，老母見之，欣然色喜，謂

先生確具慧眼，尤感

盛情，將來道經白下，○務乞

辱臨茆舍，小作盤桓，俾敍契闊而伸謝悃，實所感盼。專此，卽頌

台安。

弟周德孚敬啓十一月六日

○薦蘿喬木「薦與女蘿，施於松柏，」謂親戚依附之意，「南有喬木，」指木之幹枝在二丈以上者而言，均見詩經，今借以謂小草依附大木，爲微戶仰攀高門之喻。

○白下地名，故城在今江蘇江寧縣北，唐武德時，徙治其處，故今亦謂江寧曰白下。更金

◎謝賀生子

志祥吾兄惠鑒頃奉

琅函猥以小兒初生，

寵以吉語愧謝愧謝。弟年甫弱冠，晨夕趨庭，粗諳事親之禮，寧知爲父之道，每逢白頭鄰媼教兒學呼阿爺，真覺耳足無措，顏面皆頰也。幸內人乳汁尚足，兒體頗強，啼聲洪大，賣卜者流推爲偉器，此固玄杳之談，不足置信，惟二老春秋已高，得此乳

臭足爲膝下承歡之助，差足樂耳。稍緩

己未舊  
嫂夫人過我小作盤桓乎？專此佈謝，卽頌

雙安

弟盛鍾麟謹上二月二十日

◎謝賀就職

企堯先生大鑒前以主政鄉邦，遠勞

牋賀，迴環莊誦，感奮俱殷。弟守土邊疆，已歷年所，故鄉情況，多所隔膜，頗聞天災頻仍，匪禍遍地，農村破產，民氣消沈，極思本與民休息之精神，爲改良社會之工作，惟一省之大，百孔千瘡，治本固難，治標匪易，誠恐愛鄉情殷，救民術短，寸心惴惴，朝夕旁皇，所望

共抒良策，救此多難之邦，

鴻籌譏論，實所樂承。專此佈謝，敬頌  
平安。

弟謝萼輝謹啓五月二日

◎謝賀到任

建民先生左右頃展

台函，誦悉一是，猥以到任伊始，  
特錫褒詞，感荷之餘，益增悚惕。弟未嘗學問，焉能從政，徒以當道委託之殷，祇得勉  
荷艱鉅，差堪自信者，以民衆爲前提，以公意爲指歸，廉以自守，誠以待人，如是而已，  
所望

時錫箴言，俾免墮越，固不第私人感德已也，備荷  
獎飾，非所敢承，敬佈區區，順頌

教安。

弟馬其銘謹啓七月九日

◎謝助學費

松雲先生道鑒，猥以菲材謬承

美師，並爲游蕩於顯達之間，從此俚句盲詞頓覺洛陽紙貴，殆所謂一經品題聲

價十倍不啻李太白之於韓荊州也嘗就學此邦瞬逾四稔去秋故鄉被匪廬舍爲墟經濟枯竭大有功虧一簣之勢頃奉

賜書殷殷垂問並承匯下三百元俾充學費而免中輟高風雅誼上追古人以祝憐才好士徒憑口傳而無實惠者相去眞有霄壤之別矣拳拳之私難已於懷特此專函申謝此後自當益加奮勉以期仰答高厚於萬一也恭候

訓誨敬請

道安。

晚林守一謹上一月十八日

○洛陽紙貴左思乍三都賦構思十年始成當時名流紛紛爲之撰序加注於是豪貴之家爭相傳寫一時洛陽爲之紙貴見晉書。

○韓荊州李太白上書

，中有「一登龍門，聲價十倍，一經品題，便作佳士」句。

◎謝醫師

海山先生診席前以家母違和，羣醫束手，遠迓高軒，幸邀臨診，其爲紓感，曷可言宣。自連服

尊方以來，身熱心悸，日見減輕，並已略進飲食，蓋經過懸崖峭壁，漸趨入坦途矣，如天之福，實拜

厚賜，惟老人此番一病，元氣大傷，亟應培補本元，以圖恢復，可否再求

惠一丸藥良方，以便日常吞服，實所感禱，除已恭製謝詩令內子刺繡奉呈外，先此鳴謝，伏候

好音，順頌

春安。

弟胡建中謹肅八月十四日

◎謝贈酒

占元吾兄大鑒：張君來接奉

手書誦悉一是並承

惠汾酒①一罐在遠弗遺依然醇醪飲我②真所謂舊雨高情息息通也感謝感謝。

側聞

台端蒞任之初將從前積弊銳意清除藉裕國稅尤所欽佩承

示將作洞庭③之遊際此天高氣爽一覽空明浩瀚之境洵壯觀也專此奉復並鳴

謝忱祇頌

勛安。

弟文標敬啓十月四日

①汾酒產於山西汾水

②醇醪飲我周公瑾性殷摯故云與公瑾

③洞庭湖名在湖南境長二百里廣百里

◎謝贈古畫

亮臣先生大鑒頃奉

台函並承

惠名畫兩幀，古色古香，珍同拱璧，<sup>①</sup>

台端割愛相貽，感荷之私，非言可宣。

先生周遊海外各國，飽受新鮮空氣，比又卜地於匡廬<sup>②</sup>之麓，名山深居，幽芳環列，有樓臺之勝，富竹石之觀，定當到處宣傳，力爲介紹行見門前車馬，如水如龍，一則

攬

名園之清娛，一以答

主人之雅誼，豈非一時盛事耶？弟擬俟春氣融和時，或挈內子前來高齋借享半日清福，第草草勞人，又未審能如願否？專此道謝，順頌

春禧。

弟陶渭川敬啓三月三日

①拱璧 大璧也，左傳「與我其拱璧」，今言愛重其物曰珍如拱璧。

②匡廬 山名，在江西九江縣南，相傳匡氏兄弟好道，結廬於此，故名。

◎辭縣長

秀公廳長賜鑒前兩上辭呈，未蒙允准，復肅一書，言出肺腑，諒邀

烟譽。縣長乃親民之官，上承政府，下達民情，孰何人斯，敢不自勉，惟是水旱頻仍，匪禍蔓延，軍隊過境，徵調頻繁，應付稍疏，便生事端，況復上則庫藏空虛，下則農村破產，撫字有心，催科<sup>一</sup>無力與其重貽罪戾，曷若引咎辭退，此區區不得已之苦心也，

如

台端認猷不無一長可取，或求改委文字之役，仍當勉竭駑駘，仰答

高厚，所有縣長職務，至祈

曲賜矜全，准予辭去，俾釋重負，實爲大幸。專此馳陳，伏候

覆命，敬請

鈞安。

葛嘉猷謹上五月七日

○催科謂催徵賦稅之類也。

◎辭校長

少蘭廳長執事：自愧菲才，謬承

重寄，撫躬遜謝，至再至三，非敢矯情鳴高也，恐儻事耳。刻下勉力擔擡已逾數月，論時間，則考試已畢，告一段落，論學潮，則校規嚴整，相安無事，請從此辭，以讓賢者，乃辱

賜書殷殷慰勉，私交公誼，亦何敢再行固辭，惟是諸多放任，則有虧職守，遇事治理，則不勝繁劇，非僅無功，轉滋罪戾，況校長號稱清閒，

幕中尤富人才，當驚濤駭浪之中，或難勝任，支潮平風正之局，實易應付，務乞  
府鑑苦衷，立委賢能，俾專責任而卸仔肩，臨穎不勝企禱待

命之至專肅敬頤

勛安。

范有恆謹上 九月十五日

◎辭名譽職位

鏡人先生執事前奉 通函召集開會，羈於冗俗，未克馳赴，頃展  
台緘，詞縱婉和，意近詰責，誦悉之下，曷勝惶悚。僕本迂疏，謬承  
譽職位見委，卻之未免不情，爲之力有未逮，以致挂名者多，負責者少，名不副實，習  
爲故常，日夕疚心，寢饋難安，且每逢開會，均須親到，亦感時間衝突，分身乏術，至於  
從容討論，策畫進行，更屬無望，如僕老拙，迄可小休。○所有  
寵錫名義，務請轉商。各機關悉予收回，另聘賢能，於公於私，同深感戴。謹此佈陳，

順頌

公綏。

弟劉保仁謹啓二月八日

○汔可小休汔，庶幾也，句見詩經。

◎辭教讀之聘

勉齋先生道席：尊使來，奉

手書，重荷

藻飾，萬不克當。弟年來杜門謝客，一意養疴，非以鳴高，聊且藏拙，乃承  
詡爲高尙其志，不事王侯，此愛我溢美之詞也。

郎君翩翩佳兒，雛鳳聲清，倘就名儒通人而薰陶之，必成大器，胡  
左顧○而抵於不佞，得毋責製錦於老衲○乎，聞命驚寵，其何敢承，况弟獨處已久，  
如入定○之僧，自修或有餘，誨人則不足，咿唔吟諷之聲，入耳已嫌絮聒，何敢覩然  
四居師座哉，夙附契末，逕函瀆陳，惟希

亮譽爲幸。專復，敬頤

春安

弟董志清謹啓三月五日

○左顧自謙之詞，古時長者居右，少者居左，故長者爲左顧。

○老衲謂老僧也，戴叔倫詩：老衲供茶碗。」

○入定僧人默坐，至片念不起。

時，謂之入定，方干詩：『獵者聞疏磬，知師入定回。』

○覲然羞慚貌。

◎辭遊西湖

楚森吾兄惠鑒頃誦

手書，約爲西湖之遊，甚善甚感。承

示天朗氣清，惠風和暢，相與打槳西子湖中，寧非快事，惟入春以來，賤體時感不適，  
蝸廬蟠伏，呻吟不已，若使之相隨俊侶，強作清游，未免減人雅興，惟望飽嘗淡糲濃  
抹○之風光，曲盡快意酣歌之能事，雲牋疊疊，滿貯行囊，

覲我讀之，當能驅除病魔也，未克附驥，良用悵惘，專此佈陳，並謝

盛意，敬頌

遊安。

弟嘉寶手上四月七日

○淡粧濃抹喻西湖風景自然之美也，蘇東坡詩云「若把西湖比西子，淡粧濃抹總相宜。」

◎辭友約園林下榻

介眉吾弟大鑒別後每得

手書輒慰積念頃展

雲牋文采蔚然益徵進德修業日趨高明甚慰甚慰承

約來蘇時下榻名園盤桓旬日藉與諸祖友爲吟詠之會聞之欣感惟孚此次來蘇負有使命未暇風物憑眺詩酒留連且同行數人自以旅舍爲宜下榻高齋且俟來日至

貴園花木明瑟竹石幽深素所企羨自當趨前游覽並與

足下作半日清譚藉傾積愫也專復順頌

侍安

小兄德孚手啓九月廿五日

◎辭婚約

省三先生台譽疊奉

手書，遲不一復，非故懶也，頃復承

函催，敢不具答。芝本舊社會陶成女子，偶識之無偶，有吟哦，亦等於樵歌牧唱，茲辱

獎飾過分，益覺汗顏無地。婚姻一層，前經妗氏○轉商，並承勸勉，得耦如此，尙復何

辭，惟芝生性迂執，不諳塵俗，米鹽瑣屑，既非所諳，兒女牽纏，尤覺不耐，一樓深掩，雅

好獨居，會當築室於放鶴亭邊，作女中林和靖○耳，芝豈無情，塵緣太淺，掬誠相示，

尙希

見原專此復頌

文安。

閔瑞芝謹啓 四月十九日

○妗氏舅母謂之妗。○林和靖宋錢塘人，結廬孤山，愛梅鶴，以

◎辭贐儀

鳴皋先生左右：猥以海外之行，遠荷惠書，並承

厚贐，

盛情雅意，感佩何如。弟伏處鄉里，倏逾兩載，深恐光陰坐廢，志氣日隳，因作巴黎之行，以期補充學識，乃蒙獎飾多端，彌增慚恧。承

餽多金，雖附於行者必以贐之例，然無處而餽是貨之也，故卻之。雖曰不恭，受之終覺有愧，只得心領。

盛意，原璧奉趙，不情之舉，尙乞

海涵爲幸。專此佈謝敬請

道安。

弟項德慶謹啓三月九日

◎辭宴會

惠農吾兄如握頃奉

寵召，不覺欣然，謂得大飽口福也，方將準備赴會，不意忽來一客，坐索文債，支吾不去，此債又係旱災募捐函稿，事關公益，義不容辭，延期已久，勢難再緩，祇得攢眉伏案，與禿筆相周旋，遙想

座上諸君方在狂飲大啖，盡快極歡，亦知別有一人塊然獨坐，搜索枯腸，輒作雷鳴否耶？饑涎空垂，盛筵難赴，曷勝悵惘。專復，祇頌

塵安。

弟希曾手啓十月十二日

同座諸君子均此。

二曰搜索枯腸，喻爲文之難，如向腦中搜索

辛 經濟門

一 告貸類

◎請貸款赴滬升學

姑母大人尊鑒自別

慈顏，忽已半載，每閱蕙英表妹家書，得悉  
福體康彊，至慰孺慕。姪女自嚴君見背以來，常以眼淚洗面，繼母不諒，反事吹  
求，<sup>○</sup>隱痛在心，匪言可喻，所垂憐相惜者，惟吾

姑母耳。姪女上期在高中畢業後，受同學之邀投攷暨南大學，幸已錄取，日前向  
繼母商請籌給學費，竟致盛氣厲容，申申責詈。<sup>○</sup>謂行動不妨自由，學費分文無着，  
聆悉之餘，痛不可忍，挑燈啜泣，終夜旁皇，憶先父臨危指姪女向

姑母哽咽而言曰：所不放心者此女耳。及今思之，意謂孤女可呼號求救者，惟賴姑母一人而已。用敢不辭冒昧，專函奉懇，務乞

姑母貸以百元，俾爲下期入學之費。聞此校贛籍學生省方尙有補助費若干，姪女入校後當極力撙節，或就近向雪鶴老伯處設法，抽閒教授小學生，以資補助，斷不敢時常擾瀆，惟求

姑母曲賜鑒諒爲幸。衷肅，恭啟

福安。

姪女 兆麟謹上九月二日

附復書

根葆賢姪女青覽頃接二日來書，知已考入暨南大學，甚慰甚慰。昔汝父臨終嘗指汝歎曰：倘得見此女小學畢業，死亦瞑目。今且考入大學矣，殊足慰汝父於九京也。所述家庭狀況，閱之慨然，但汝輩青年前程無量，當作發揚之語，勿爲淒苦之詞。至事繼母一層，亦宜致敬盡禮。汝能事之如母，彼亦必能視汝猶子也。且

○吹求卽吹毛求疵 之略語。○申申責詈謂怒罵不已也，申其詈余見楚辭。○

事無鉅細，盡在汝母一身。世亂年荒，經濟竭蹶，自係實在情形，慎勿以所求不遂，便口出怨言，甚非立身安命之道也。所需學費，稍遲幾日，當令汝表妹如數帶來，勿念！至於教授小學生以圖補助云云，似可不必，但得潛心向學，不染惡習，如屬必要用費，尙可量爲資助也。現距開學之期，尙有一月左右，如能來此小住，尤所歡盼。此復，順詢

侍祺。

家玉手書九月十一日

◎請貸款開辦公典

若舟吾兄大鑒：別來數載，馳系爲勞，每聞

經營事業，日益繁榮，海上有陶朱公之譽，又不覺妬羨交集也。茲奉商者：此間匪擾頻年，水旱迭見，市肆枯竭，倉廩空虛，人人興坐以待斃之嘆，急救方法，惟有開設公典而已，刻已由同人組織成立，擬定爲五十股，每股千元，湊足五萬之數，弟向少存儲，搜羅無術，擬請吾

兄暫假一千元，俾資應付，半年爲期，定行奉趙，倘承  
慨允，一以救濟地方之窮民，一以適應鄙人之需要，於公於私，俱爲感激不盡。專此，  
順候

時絃並希

賜復。

弟程鈺拜啓七月十五日

附復書

琢如吾兄先生左右：

來書奉悉，以救世心腸，爲惠農事業，欽佩之至。弟南船北馬，栗碌商場，欲罷不能，亦時有草草勞人之感，重  
以邇來匪禍猖獗，民不聊生，農村破產，商業蕭條，曩年稍有贏餘，幾已折耗殆盡，今承  
謬許爲陶朱公，不禁愧汗如雨矣。

屬籌千金，理當如數，惟目下適屆節關，開支甚鉅，一時殊難足數，擬先奉五百元，如能

假以時間，尙當量爲籌奉，此係實在情形，相知如吾

兄，當蒙曲爲諒解也。專復，順頌

台安。

弟項宗楫謹啓八月四日

◎請貸款開辦學校

濟美先生有道粵東一別，數易寒暑，望風懷想，我勞如何，側聞台端脫離政治，優游林泉並宏獎後進，提倡公益，欽佩奚如。弟一枝粉筆，奔馳南北，頗萌厭倦之意，因念先母在日，頗思就地設一小學，以宏造就，又因外家雖漸不振，而屋宇寬宏，園林幽美，借作校舍，極爲相宜，故擬辦一完全小學，以竟先母遺志，即定名爲思萱小學，但經費不足，難於着手，可否仰懇

先生惠假千金，以便相機進行，弟有山莊一所接近名園，如一時不能歸還，願卽以此爲交換品，

先生成人之美，名重鄉邦，倘蒙俯如所請，實不勝企禱待。命之至專，此敬頌冬安。

弟王潔謹上十二月廿七日

◎請貸款製放寒衣

廉卿吾兄會長大鑒頤聞：

貴會散放急賑，嘉惠災黎，里巷謳歌，敬佩無已。惟敝地水災極重，滿目汪洋，廬舍牲畜，漂蕩無遺，災民遍地，死亡枕藉。○時屆嚴冬，朔風肆虐，號寒之苦，烈於啼飢，弟等目擊心傷，已與仲範諸公組織散發寒衣會，四出勸募，但緩不濟急，集款尙需時日，刻已購料僱工，漏夜趕製，擬先成一萬套，立卽分發各處散放，務請

貴會發借五千元，暫資應付，一俟捐款匯到，卽行歸還，弟可負完全責任，想貴會普濟爲懷，必能樂助其成也。專懇並頤  
善安。

弟余敬棠謹啓十二月廿五日

○死亡枕藉臥，謂其衆多也。

◎請貸款創設林場

勵卿吾兄行長財鑒，枯嶺一別，瞬已逾年，追溯前游，清泉明月，竹籟松風，輒覺繫諸夢寐。弟南北奔馳，已將廿載，星星兩鬢，亦可小休，頗思置身青山綠水之間，以適其野。橐林鶴之性，此間有山場一處，綿延數里，宜於種植，並有土屋數間，竹籬茆舍，風景清幽。弟每經其地，流連忘返，刻擬收買，但彼方索價甚昂，非三千金不可。弟意如能購得，即闢作林場，試行墾植，又非一二千金不可，惟在未著成效之前，不招股，不能集資，純以私人財力試辦，惟弟對於經濟問題，向不措意，積年以來，並無若何儲蓄，通盤籌畫，約尙不敷半數，擬請 貴行押借一千元，即以 故處新置別墅一所，作爲擔保品，不審能邀俯允否？特先函商，稍緩再當來滬面談一切，專此敬頤。

籌安。

弟祝如松上言 四月廿二日

◎請貸款葬親

渭清吾兄廳長道鑒當年文章，今日

勳業蹤跡雖隔，益切欽遲。弟年來蟄伏，非敢鳴高，徒以遭際多艱，不得不日趨消極耳。近年以來，匪禍日亟，敝地適當其衝，車站被焚，鄉村遭劫，居室轉徙，困苦顛連，母棄養，山妻繼逝，兩兒不幸，一月夭殤，人生慘痛，至斯而極，重以田園荒蕪，收入全無，經濟困難，不堪言狀，所最耿耿者，黝然兩棺，寄停蕭寺。○淒風慘雨，倏忽五年，日夜疚心，時惟啜泣。○不孝不義，何以爲人，茲擬購地安葬，藉慰幽靈，預計所需約在四百元左右，吾

兄孝友芳聲，垂示鄉國，士類同欽，尙希惠假廉俸，俾遂孝思，其爲感荷，固不只尋常衣食間也，專懇敬頌

○蕭寺謂荒涼古廟也。

○啜泣哭泣也，見詩經。

◎請貸款購廉價書籍

味辛先生座右自違  
道範，忽逾兩載，每懷

故人，能不依依。弟自解職以來，家居奉母，閉戶讀書，即日常報章亦鮮寓目，真所謂黜陟不知理亂不聞也。頃閱報載商務印書館舉行廉價兩星期，查該館新印各書，多出重價蒐求，爲尋常不易得之珍品，況發售預約，實行廉價，尤爲絕好機會，未可錯過，惜囊中僅存一百元，殊不足饜求知之慾，擬請

先生暫假一百元，以應急需，倘承慨允，至遲在年邊當如數奉還也。專此奉懇，順候

秋安。

弟胡文軒肅上 九月廿四日

◎請貸款付旅費

厚生師長學兄麾下：十載相別，未通音訊，軍門賜見，頓慰懷思。弟不能奮飛，徒傷塞鈍，回溯當年意氣自豪，師友獎飾，益覺汗顏無地矣。此次南來，原思丐故人之餘光，闢幽暗之前程，迨履京都，見人才之多，冠蓋之盛，已深慚悚，及聆

大論，彌覺爽然。弟既無上馬殺賊之能，又乏倚馬草檄之技，宇宙雖寬，此身何託，祇得再賦歸去，不復作乞食夢想矣。惟輾轉來此，旅費不貲，羈遲此間，又將兩月，客舍用費幾近百元，重以月前臥病，方藥雜投，友好代謀，皆爲懸賬，凡此種種，非籌足二百金，萬難敷衍，尙希

府念舊情，如數撥借，感銘肺腑，沒世不忘，倚裝待發，赧顏瀆陳，伏候

好音敬請

勛安。

學弟李載福謹啓九月十五日

◎代人乞貸

冠西先生道席，敬啓者：施君理丞吾鄉文學大家，幹公之哲嗣也，家學相承，文噪一時，顧性不諧俗，尤厭與顯者。○往來各方延攬，均遭峻拒，以此日陷窘鄉，猶憶

去秋在

尊府談及時，曾同聲嘵嘵者，頃接施君來函，驚悉居廬被火，焚毀一空，殊有岌岌不可終日之勢，頗思函達

台端，又慮或且見拒，益難爲懷，用是轉挽鄙人代呼將伯，○倘蒙

惠假若干俾度難關，則涸鮒重蘇，感何如之，

大君子周急濟困，襟懷固自不凡，在弟乞鄰，○而與郤類微生，但金錢交付，仍當令

施君直接前來接洽，斷不敢掠美市惠也。專此祇候

著安。

弟吳子新敬上四月八日

○顯者謂富貴利達之人也。○將伯詩經「將伯助予，言請助於人也。」○乞鄰論語「孰謂微生高直，或乞醯焉，乞於鄰以市惠，故不得爲直。」

## 二 索償類

◎赴美留學索還借款

和梅先生尊右申江一別，裘葛再更，前錦洲兄過此，談及

貴公司營業蒸蒸日上，佩慰曷已。弟依人作嫁，無由進展，究非長久之策。頌同學周君擬秋間赴美，邀約偕行，弟已應允，搜集款項，殊費張羅，擬請將去春挪移千元，慨予擲下，以便成行，

台端對鄙人之事，素蒙關垂，此款奉移時，亦曾切實聲明，決不誤事，想

先生素重信義必能實踐舊約也專此順候

台祺。

弟葛福綏手 上五月七日

◎催繳股款

桂山先生台諭武陵歡聚別已經年比想

興居多福定符臆頌此次本公司成立深荷

鼓吹贊助乃能有此成績惟資本不足營業難望發展仍當繼續努力尤應終始如

一本公司股款雖已收到大批而延未繳納者亦不在少數

先生衆望所歸倘蒙

慨賜提挈異日收效必宏並祈將

尊處應繳股款立予擲下俾資倡導本公司之事夙承

關垂想必能俯如所請也佇候

福音，毋任企禱，敬頌

籌安。

弟魏繩武謹啓二月八日

◎催還代償債款

吉人先生大鑒：前奉一函，諒蒙垂譽，遲不獲復，悵望何如。去歲

尊處該仁記號之款，彼方催迫甚急，勢成僵局，弟不願坐視，立出五百元代爲排解，幸免糾紛，此固尋常事也。乃入春以來，久福大餘兩大公司，先後倒閉，兩處存款，數以萬計，重以大火成災，所有財貨焚燬無餘，似此竭蹶情形，實夢想所不到，尙希俯念舊情，速予擲還，以濟眉急，實所感禱。專此，敬頌  
台安。

弟康成謹上六月七日

仰千吾兄賜譽年來南北奔馳音書久斷勞人草草想彼此有同感也弟經營商業  
差稱得手並無若何實利而市場推許每多溢美之詞卒以虛聲枉受實禍凡在親  
朋都向乞助現已集有成數但尚不足二千元之譜迫不得已因向吾

兄呼籲倘蒙

惠假千金自當徐圖償還否則曩歲奉借之六百元務乞先予擲下俾解倒懸之阨  
此款在弟本意雅不欲再行提及邁茲巨變力與心違想吾

兄當能鑒諒也專此敬頤

大安。

弟杏生拜啓十月廿七日

◎免除息金索還原本

錦帆先生台鑒曩移之款忽已五年未承撥還甚爲耿耿日前偶一清算所有本息  
計達六百餘元之鉅弟因敝號虧蝕清理需款孔殷故奉懇

台端悉數籌還，一再函商，未邀

示復，據潤卿兄云：

尊處經濟狀況亦在艱窘之中，自係實情，再四籌維，擬將息金約一百餘元概行免除，其餘務希從速擲下，在

台端爲數無多，騰挪較易，在敝處可以濟急，雖少亦佳，誠通融之法，亦兩全之道，惟乞慨賜成全，勿再延誤爲荷。專此祇頌

台安。

弟宣寶照拜啓十一月十七日

◎催繳學膳費

仲英先生著庶前承寄贈

大著婦女衛生贊鑑一冊，內容豐富，解釋精詳，甚爲感佩。令戚李生梅福前來敝

校，分文未繳，本爲校章所不許，嗣奉

尊函代爲說項比卽許其入校予以通融現暑期將屆據會計處報告該生仍未繳費用特函達至希轉知該生家屬卽行照繳爲盼瑣事煩瀆並乞鑒諒專啟

夏安。

弟詒書手上六月廿三日

◎催付房租

慎甫先生偉鑒昨遣人三次詣

府均適公出甚以爲悵。查敝處別墅一所原爲退休之地辱承再三商賃祇得勉爲騰讓入夏以來蝸廬湫隘甚感煩熱頗以爲苦乃區區租金至今尙未擲下惶惑尤深此間習慣房租按季交納早在洞鑒現時逾半載未付分文非惟於例不通抑且於情未合重以去歲旱災收入大減家用浩繁相需正急務請

速予撥付，以免走卒頑童時來擾瀆也。專此卽頌  
籌安。

弟陶世恩手啓七月廿七日

### 三 請款類

◎請撥交際費接待外賓

建公主席鈞鑒：日前晉謁渥承

指示一切，感篆心曲。茲敬陳者，此間商賈輻輳，交際頻繁，重以廬山在望，時多異邦  
冠蓋之流，往來酬酢，事雖尋常，要亦睦交善鄰之道，若聽其來去，不與周旋，既失國  
際之禮貌，亦損國家之體面，因思 護公園林地極清幽，屋亦雅潔，若於其間設一  
外賓招待處，殊覺適宜，估計每月開支，有三百元卽足支配，除另具文並造預算表  
正式請求外，特將管見所及先行奉陳，是否可行，伏乞

府賜鑒核，是所企禱。專肅祇頌